



稱謂錄第五本古稱

卷十七目古稱

工部

營膳司

虞衡司

都水司

冰窖監督

屯田司

理藩院

稱謂錄

卷十七目錄

理藩院司官

理藩院各官古稱

通政司

通政司職官

通政司職官古稱

登聞鼓廳

大理寺

大理寺職官

大理寺職官古稱





大常寺

贊禮部

讀祝官

協律郎

司樂

祠祭署

神樂署

卷十八目

太僕寺

稱謂錄

牧場官役

光祿寺

太官署

珍羞署

良醞署

掌醢署

國子監

祭酒

司業

卷十七目錄

博士

助教

鴻臚寺

鳴贊

序班

順天府

順天府丞

治中

欽天監

稱謂錄

卷十七 目錄

監正

監副

時憲科

天文科

漏刻科

卷十九 目

太醫院

院使

御醫

吏目

醫士

醫生



內務府

內務府總管大臣

廣儲司

都虞司

掌虞司

果房

會計司

營造司

慶豐司

稱謂錄

卷十七目錄

四

慎刑司

上駟院

上駟院大臣

阿敦侍衛

醫師長

馬廐官役

牧場官役

武備院

北鞍庫

南鞍庫

甲庫

砲庫

奉宸苑大臣

各苑圍總管大臣

苑丞 苑副

御船處大臣

御茶膳房

卷  
鸞儀衛

鸞儀衛大臣

稱謂錄

卷十七目錄

鸞儀衛各員

卷二十目

領侍衛內大臣

侍衛班領 侍衛什長

侍衛

親軍

八旗都統

步軍統領

九門提督



城門領

前鋒統領

前鋒侍衛

護軍統領

護軍校

稱謂錄

卷十七 目錄

六

稱謂錄卷十七

福州梁章鉅撰

男恭辰校刊

工部

司空 書舜典伯禹作司空又周官司空掌邦土居四民時地利案賈氏正義伯禹作司空四時官不數之者鄭云初堯冬官為共工舜舉禹治水堯知其有聖德必成功故改命司空以官名寵異之非常官也

宗工 路史垂為宗工注宗工司空之職

共工 書舜典帝曰兪咨垂汝共工鄭注共工水官名

稱謂錄

卷十七

一

工正 春秋左氏傳五雉為五工正

水正 漢書百官表顓頊氏冬官為水正

冬官 周禮冬官考工 禮記正義孝文時求得周官

不見冬官一篇乃使博士作考工記補之 案漢以

考工補冬官可知周官之冬官必掌百工之事矣

冬曹 獻徵錄陸燕晉工部侍郎御劄論問稱曰冬曹

大臣而不名 案古者有興作必於農隙役召故於

冬亦稱冬卿

劇曹 山堂肆攷張元方制工部號為劇曹



宏父 書酒誥宏父定辟孔傳云宏父事官司空也主  
度地居民

鳴鳩氏 春秋左氏傳鳴鳩司空也杜注云鳴鳩平均  
故爲司空平水土

左民 通典漢成帝初置尙書有民曹主凡吏民上書  
後漢光武改民曹主繕脩工作鹽池苑囿魏置左民  
尙書亦領其職 案東晉及宋齊有左民郎中兼知  
屯田事是古無工部而今之營繕屯田二司其事並  
隸於左民也

稱謂錄

卷十七

一一

起部 通典晉宋以來有起部尙書而不常置每營宗  
廟宮室則權置之事畢則省以其事分屬都官左民  
二尙書北齊起部亦掌工造屬祠部尙書 案戶部  
亦有起部又案通典戶部又言宋齊度支尙書領度  
支金部倉部起部四曹與此言晉宋起部分屬都官  
左民二尙書北齊起部屬祠尙書者不合

起曹 曾鞏工部尙書制中臺起曹實踐其位 案通  
典隋改工部爲起曹

司平 舊唐書職官志注隋初置工部尙書龍朔二年

改爲司平太常伯

粉署 杜甫詩馨香粉署妍公時爲工部員外郎

撻林 遼史國語解撻林官名改爲僕射又名司空

營繕司

營繕司 皇朝通攷營繕清吏司掌繕治壇廟宮

府城郭倉庫廨宇營房之役凡物料各貯一廩籍其數以供脩作之用

營部 明史職官志洪武六年工部設總部虞部水部

并屯田四屬部二十二年改總部爲營部二十九年

稱謂錄

卷十七

三

又改四屬部爲營繕虞衡都水屯田四清吏司案

據此則今之營繕司明初尙稱營部而營繕司之稱

實始於洪武二十九年

將作司 營造提舉司 營繕所 明史職官志洪武

初置工部及官屬以將作司隸焉六年又置營造提

舉司二十五年改將作司爲營膳所

大匠卿 匠卿 隋書百官志大匠卿掌水土之工又

曰匠卿 案卽今營繕司

虞衡司



虞衡司 皇朝通攷虞衡清吏司掌山澤采辦陶冶器  
用修造權衡武備

虞曹 通典魏尚書有虞曹郎中晉因之北齊虞曹掌  
地圖山川遠近園囿田獵雜木等並屬虞部尚書

司虞大夫 通典隋初虞部侍郎煬帝除侍字武德加  
中字龍朔二年改爲司虞大夫咸亨元年復舊天寶  
十一年又改虞部爲司虞

虞人 孟子招虞人以旌 案杜君卿云虞部蓋古虞  
人之遺職

稱謂錄

卷十七

四

考工合 續漢百官志考工合一人六百石本注曰主  
兵器弓弩刀槍之屬成則傳執金吾入武庫 案今

虞衡清吏司掌製器用及軍裝軍火與此職相近

文思院 文獻通攷宋紹興三年並少府監歸工部以  
文思院屬焉文思院上下界監官並從本部辟差

案文思院 國初尙有此官後裁之以其事分隸各

司則此亦古今無之職然取稟氏量銘時文思索  
之義則與虞衡司相近

都水司

都水司 皇朝通攷都水清吏司掌水利河防橋道舟車券契量衡之事

水部 宋書何遜傳天監中兼尚書水部郎 韓翃詩才子舊稱何水部 白居易詩明朝說向詩家道水部如今不姓何

水曹 朱餘慶詩省中官最美無似水曹郎 蘇軾詩詩人例作水曹郎 杜甫詩能詩何水曹

司水大夫 歷代沿革工部郎中唐龍朔中改司水大夫 案工部或爲水部卽今都水司郎中也馬氏通稱謂錄 卷十七 五

攷後周有司水大夫隋初爲水部侍郎

司川大夫 唐書水部改曰司川又稱司川大夫 案卽今都水司

司險 周禮夏官司險掌設國之五溝五涂而達其道 路 案馬端臨謂卽水部郎中之稱

水衡 都水臺 大舟卿 晉書武帝省水衡置都水

臺 隋書百官志大舟卿梁初爲都水臺七年改焉

主舟航隄渠 案尚書侍郎始得稱卿其職統營繕

都水二司故匠卿舟卿皆指長官而言非卽本司郎



中又案梁之都水臺有使者一人參軍事二人河隄  
調者八人隋書謂位視中書郎列卿之最末者也則  
雖非今之都水司郎中而位亦與今相亞矣

冰窖監督

案此官名始自本朝

凌人 周禮天宮凌人下土二人掌冰正歲十有二月  
令斬冰三其凌春始治鑑凡外內饗之膳羞鑑焉

屯田司

屯田司 皇朝通攷屯田清吏司掌脩繕 陵寢並屯

種抽分夫役墳塋之事凡築造樹碑開窖鑿石悉司

稱謂錄

卷十七

六

其禁令

屯部 明史職官志洪武十三年以屯田部爲屯部

田曹 馬氏通攷晉始有屯田尚書及太康中謂之田

曹

司田大夫 歷代沿革屯田郎中唐龍朔中改司田大

夫 案今屯田司管陵墳採捕等事非復古之屯田

也

大司田 管子甯戚藝粟盡地利立爲大司田

理藩院

理藩院 會典崇德三年定蒙古衙門爲理藩院

典藩署 隋書百官志煬帝改

掌客 周禮秋官掌四方賓客之牢禮餼獻飲食之等

數又有司儀行夫環人象胥掌訝掌交諸職皆大行

人之屬官

大行人 小行人 周禮秋官大行人掌大賓之禮及

大客之儀以親諸侯小行人掌邦國賓客之禮籍以

待四方之使者鄭注大賓要服以內諸侯大客謂其

孤卿賈疏言要服以內諸侯者對要服以外爲小賓

稱謂錄

卷十七

七

蕃國世一見是也

大行令 大鴻臚 漢書百官表典客景帝中六年更

名大行令武帝太初元年更名大鴻臚 太平御覽

引韋昭辨釋名云腹前肥者臚言以京師爲心腹王

侯外國爲四體以養之也辨云鴻臚本故典客掌賓

禮鴻大也臚陳序也欲以陳序賓客也

鴻臣 揚雄大鴻臚箴鴻臣司爵敬告在鄰 案漢之

大鴻臚實周禮大小行人之掌自晉以後諸侯王既

不分封外藩無復朝覲聘問之禮故此官遂罷而不



設今之鴻臚惟掌導護贊拜不復主賓客之禮不得冒大鴻臚之稱而今人猶稱鴻臚卿爲大鴻臚失其實矣

四方館 晏殊類要舊儀四方館於通事舍人中以宿長一人總知管事謂之管主凡四方貢納及章表皆封而進之

理藩院司官

典屬司 王會司 旗籍司 柔遠司 理刑司 徠

遠司 皇朝通攷理藩院掌蕃部封授朝覲貢獻黜陟

稱謂錄

卷十七

八

徵發之政控馭撫綏以固邦翰焉其屬有六清吏司

曰典屬曰王會曰旗籍曰柔遠曰理刑曰徠遠

錄勳司 賓客司 會典順治十八年理藩院設立四

清吏司曰錄勳曰賓客曰理刑曰柔遠乾隆二十二

年改錄勳司爲典屬改賓客司爲王會柔遠後司爲

旗籍前司爲柔遠又增設徠遠司

懷方氏 合方氏 訓方氏 形方氏 歷代職官表

周禮夏官懷方氏以下四官皆主和緝四方諸侯亦

今理藩院所有事以規制攷之合方氏形方氏通財

利同好惡正封疆當如今旗籍典屬來遠諸司之職  
懷方氏治委積館舍以送迎之當如今柔遠諸司之  
職訓方氏教化正淫辟則如今理刑司之職

典屬國案冊府元龜秦有典屬國掌蠻夷降者案今  
之典屬司稱名蓋防於此

別火漢百官公卿表典客屬官有別火令丞如淳曰  
漢儀注別火獄令官治改火之事案典客掌夷狄  
而屬官別火爲獄令卽今理藩院之理刑司矣

通政司

稱謂錄

卷十七

九

通政司明史通政使掌受內外章疏敷奏封駁之事  
建文中改司爲寺改通政使爲通政卿參議爲少卿  
寺丞增置左右補闕左右拾遺與下察言司參看  
通進司宋史職官志通進司掌受三省樞密院六曹  
寺監百司奏牘文武近臣表疏及章奏房所領天下  
章奏案牘具事目進呈而頒布於中外案通進司  
卽今之通政司也

承進司齊東野語本朝章憲太后之父諱又改通進  
司爲承進司



察言司 通政寺 明史職官志初洪武三年置察言司設司令二人掌受四方章奏尋罷十年置通政使司建文中改司爲寺成祖復舊制同主受表而馬獻納司 唐書知匭使天寶改爲獻納使以御史中丞侍御史爲之亦稱大獻納

銀臺司 舊唐書德宗紀右銀臺門有客省以處上書言事者 裴庭裕東觀奏記牛僧孺爲武昌節度使奏章先達銀臺授殿中侍御史掌書記 宋史職官志銀臺司掌收天下奏狀 案卽今通政司故當時稱謂錄 卷十七 十 有通進銀臺司之稱

鸞臺 唐書百官志垂拱元年改門下省曰鸞臺外臺 謝靈運晉書漢官時有二臺尙書爲中臺御史爲憲臺謁者爲外臺 駱賓王啟光贊外臺陳君回之亮直

謁者臺 隋書百官志煬帝置謁者臺大夫一人 案隋以門下內史御史司隸謁者五官同主受表而謁者與今通政司爲近矣

門下省 卽鉢齋官職考漢黃門侍郎唐宋門下省準

今通政司也 文獻通攷門下省後漢謂之侍中寺  
通章署 晉書齊王冏傳冏率衆入洛頓軍通章署  
案通章署似卽通章表之地與今通政司相仿

通政司職官

通政使 左右通政 左右參議 明史職官志通政  
使司通政使一人左右通政各一人左右參議各一  
人 案 國初順治年開通政使司官制悉仍明舊  
至乾隆十年裁右通政一人十三年復裁左通政一  
人以左通政改爲副使惟此略殊

稱謂錄

卷十七

十一

阿里費哈福布勒哈番 皇朝通攷通政使司通政使  
滿字稱爲阿里費哈福布勒哈番漢字稱爲通政使  
俱作正三品

哈思呼額爾吉哈福布勒哈番 皇朝通攷左通政滿  
字稱爲哈思呼額爾吉哈福布勒哈番漢字稱爲左  
通政俱作正四品

伊齊額爾吉哈福布勒哈番 皇朝通攷右通政滿字  
稱伊齊額爾吉哈福布勒哈番漢字稱爲右通政俱  
作正四品



哈思呼額爾吉愛什拉喇哈番 皇朝通攷左參議滿  
字稱爲哈思呼額爾吉愛什拉喇哈番漢字稱爲左  
參議俱作正五品

伊齊額爾吉愛什拉喇哈番 皇朝通攷右參議滿字  
稱爲伊齊額爾吉愛什拉喇哈番漢字稱爲右參議  
俱作正五品

通政司職官古稱

太僕 周禮夏官太僕下大夫二人掌諸侯之復逆鄭  
注司農曰復謂奏事也逆謂受下奏 案此卽今通

稱謂錄

卷十七

三

政司受督撫章疏者所由昉而吳淑事類賦以虞廷  
之納言當之納言出入王命爲後世尙書之職以通  
政司爲納言恐非惟攷唐虞納言一官秦漢以來統  
於尙書此後世遂以納言爲通政也

謂者 漢百官表謂者掌賓贊受事卽通政任也秦置  
謂者漢因之

黃門侍郎 通典門下侍郎秦官有黃門侍郎漢因之  
其官給事於黃門之內故曰黃門侍郎

通事都尉 通事侍郎 初學記魏世中書始置通事

一人高貴鄉公時改爲通事都尉又改爲通事侍郎  
通事舍人 通典晉通事舍人掌呈奏 冊府元龜姜

柔遠爲通事舍人又李若水爲通事舍人在館三十  
年多識舊儀 宋初置中書通事舍人入直閣內出

宣詔命凡有陳奏皆舍人置入參決於中

公車司馬令 漢書百官表衛尉官有公車司馬令丞

顏注漢官儀曰公車司馬掌殿司馬門天下上事及

闕下凡所徵召皆總領也 宋書百官志秦有公車

司馬令 歷代職官表公車司馬令之名漢志所未

稱謂錄

卷十七

十三

詳惟見於沈約宋書攷資治通鑑載二世三年章邯

使長史司馬欣請事至咸陽留司馬門三日云云是

當時郡縣及軍中言事者皆當詣司馬門而公車司

馬令主受天下奏章並如漢制矣

奏事令 魏書陽津傳轉振威將軍領監曹奏事令當

主受章奏蓋卽前代公車令之職登聞令當掌達冤

訴則如今之登聞鼓廳也

國初設登聞鼓廳都察院後移置長安右門外以

給事中或御史更替管理康熙六十年始併入通政司

知匭使 理匭使 唐六典知匭使掌申天下之滯以



達萬人之情 案唐始置匭使院以正諫大夫補闕  
一人充知匭使又案唐建中二年以御史中丞爲理  
匭使諫議大夫爲知匭使此卽今登聞鼓廳所由昉  
也

登聞鼓廳

鼓司 鼓院 檢院 燕翼貽謀錄淳化中置鼓於禁  
門外以達下情名曰鼓司真宗景德四年改鼓司爲  
登聞鼓院登聞院爲檢院應上書人並詣鼓院如本  
院不行則詣檢院

稱謂錄

卷十七

十四

登聞院 見上奏事令注

大理寺

法司 趙綽傳綽遷大理少卿時禁行惡錢有二人在  
市以惡錢易好者上令悉斬之綽諫曰此人坐當杖  
殺之非法上曰不關卿事綽曰陛下以臣置在法司  
豈得不關臣事上曰撼大木不動者當退對曰臣望  
感天心何論動木時薛胄爲大理卿俱名平恕然胄  
斷獄以情而綽守法 案今以都察院刑部大理爲  
三法司卽本此也

雲司、山堂肆攷唐陳子昂爲司刑卿讓官表榮加天寵職察雲司

祥刑寺 歷代沿革大理寺唐改爲祥刑寺則取尙書祥刑二字之義自與祥刑不同

棘寺 棘庭 棘路 棘署 劉長卿詩棘寺初談命

范成大詩垂銀棘庭邸

稱事大理寺職官

大理卿 少卿 通典廷尉北齊曰大理寺置卿少卿各一人

稱謂錄

卷十七

十五

丞 通典晉武咸甯中曹志上表請廷尉置丞齊梁並因之北齊曰大理丞二人

評事 隋書百官志煬帝卽位大理寺置評事四十八人 案此爲大理寺設評事之始

阿里哈哈番 伊勒希哈哈番 希喇默哈哈番 伊齊轄

庫 愛什拉庫 額哲庫 皇朝通攷大理寺卿滿字

稱爲阿里哈哈番漢字稱爲卿俱作正三品少卿滿

字稱爲伊勒希哈哈番漢字稱爲少卿俱作正四品寺

丞滿字稱爲希喇默哈哈番漢字稱爲寺丞俱作正五



品寺正滿字稱爲伊齊轄庫漢字稱爲寺正俱作正  
六品寺副滿字稱爲愛什拉庫漢字稱爲寺副俱作  
從六品評事滿字稱爲額哲庫漢字稱爲評事俱作  
正七品

大理寺職官古稱

大理 韓詩外傳晉文公使李離爲大理

理 禮月令命理瞻傷察創視折審斷決獄訟必端平

鄭注理治獄官也有虞曰土夏曰大理周曰大司寇

左昭十四年叔魚攝理 案古者刑獄之職通稱爲

稱謂錄

卷十七

七

理理土官也國語晉語生子輿爲理

李 管子五行篇后土辨乎北方故使爲李注李獄官

也管子法法皋陶爲李注古治獄之官 案春秋元

命包云堯爲天子得皋陶爲大理淮南子主術訓文

子原道篇並云皋陶暗而爲大理史記皋陶爲大理

平民各伏得其實北史序傳庭堅爲堯大理以官命

族爲理氏知李卽理字唐虞以前已有大理之名不

始於夏矣

廷理 說苑楚令尹子文之族干法廷理拘之新序石

奢爲理

司理 理臣 揚雄廷尉箴云獄臣司理敢告執謂

理官 左氏傳昭十四年士景伯如楚叔魚攝理杜注

士景伯晉理官 漢書禮志叔孫通所撰禮儀與律

令同錄藏於理官

士 書大禹謨汝作士馬融傳云獄官之長

大士 左氏僖二十八年傳士榮爲大士注大士治獄

官也

詳刑 司刑 通典龍朔二年改大理爲詳刑咸亨元

稱謂錄

卷十七

七

年復舊光宅元年改爲司刑神龍元年復舊故唐謂

大理爲司刑卿

秋卿 隋百官志梁以衛尉將作大匠爲三卿是爲秋

卿 唐六典宋齊皆爲廷尉梁爲秋卿

棘卿 棘丞 容齋四筆今人稱大理寺爲棘卿丞爲

棘丞

大棘 佐棘 鄭氏談綺大理曰大棘 羅隱寄大理

寺詩佐棘竟誰同

廷尉 冊府元龜秦制廷尉掌刑部 顏師古漢書注



云廷平也治獄貴平故以爲號張釋之傳釋之曰廷尉天下之平也後漢光武紀上聽獄必質於朝廷與衆共之尉平也故稱廷尉案廷尉秦官漢景帝中六年更名大理武帝建元四年復爲廷尉哀帝元壽二年復爲大理

廷尉卿 初學記梁加卿字曰廷尉卿後並因之

廷平 廷尉平 漢書刑法志置廷平又宣帝紀初置

廷尉平 案稱大司平亦稱大司允

左平 右平 廷尉評 通典漢宣帝地節三年初於

稱謂錄 卷十七 六

廷尉置左右平員四人後漢光武省右平惟有左平

一人掌平決詔獄冠法冠魏晉以來無左右而直謂

之廷尉評事隋煬帝乃置評事四十八人

廷尉正 廷尉監 官職攷宣帝復置廷尉平廷尉正

廷尉監爲三官

句檢官 隋書百官志煬帝卽位大理寺丞改爲句檢

官

執方 隋百官志廷尉卿有正監平三人元會廷尉三

官皆法官朝服以監東西中華門手執方木長三尺

一方一寸謂之執方

太常寺

太常 奉常 漢書百官表云奉常秦官掌宗廟禮儀  
唐六典漢高祖名曰太常惠帝復曰奉常 史記  
景帝本紀中六年更命奉常爲太常 兼漢書顏注太  
常者王者之旌也王者有大事則建以行禮官主奉  
持之故曰奉常後改爲太尊大之義也 宋書百官  
志應劭曰欲令國家盛大常存故稱太常

司常 唐書百官志光宅元年改太常寺曰司常寺

稱謂錄

卷十七

七

司禮 通典唐光宅元年改太常爲司禮神龍初復舊

亦曰司禮卿

禮院 天中記太常唐曰司禮寺又曰禮院 案宋史

職官志宋初別置太常禮院雖隸本寺其實專達有

判院同知院四人寺與禮院事不相兼康定元年置

判寺同判寺始並兼禮院事元豐正名始專其職

曲臺 常充太常卿制固可以處揚震植榮之位領曲

臺太子之重 案字典王彥威爲曲臺新禮二十卷

故太常稱曲臺



容臺 類要太常亦稱容臺

秩宗 通典今太常者亦唐虞伯夷爲秩宗兼夔典樂

之任也 案通典又謂唐虞之時秩宗典三禮卽今

禮部尙書蓋古止秩宗一職而後分爲二也王莽時

曾改太常卿曰秩宗

宗官 周禮鄭注唐虞三代以宗官典國之禮與其祭

祀漢之太常是也

太常寺卿 少卿 丞 隋書百官志北齊官制太常

光祿衛尉宗正太僕大理鴻臚司農太府是爲九寺

稱謂錄 卷十七

三

置卿少卿丞各一人

宗卿 陸倕讓太常表宗卿清重歷選所難

樂卿 容齋四筆唐人稱太常卿爲樂卿 杜牧送崔

少卿詩帝命詩書將壇登禮樂卿

春卿 隋百官志梁以太常宗正大司農爲三卿是爲

春卿

清卿 袁聿修傳太常初聿修以太常少卿出使巡省

考較官人得失經歷兗州時邢邵爲兗州刺史別後

遣送白綢爲信聿修退綢不受與書云瓜田李下古

人所慎邢報書云昔爲清郎今日復爲清卿矣

清選 白居易太常少卿制歷代迄今謂之清選

常臣 揚雄太常箴常臣司宗敢告執書

博士 漢百官公卿表太常屬官有博士掌通古今秩

比六百石員多至數千人 案漢官凡稱博士皆屬

太常不但太常博士也

### 贊禮郎

奉禮郎 理禮郎 通典隋有奉禮郎十六人屬太常

寺煬帝減置六人大唐初有理禮郎四員掌設板位

### 稱謂錄

#### 卷十七

三

執儀行事至永徽二年以廟諱改還奉禮郎 案疑

卽今之贊禮郎也

### 讀祝官

太祝 廟祝 漢百官公卿表奉常屬官有太祝合丞

景帝中六年更名太祝爲祠祀武帝太初元年更名

曰廟祝

### 協律郎

協律郎 隋書百官志北齊太常屬官有協律郎二人

掌監調律呂音樂



司樂

大司樂 周禮春官大司樂中大夫二人上士八人下士十有六人以六律六同五聲八音六舞大合樂以致鬼神示 案今太常寺有司樂二十三人掌供祭祀之事

祠祭署

典祀 周禮春官典祀中士二人下士四人掌外祀之兆守

神樂署

稱謂錄 卷十七

三

大樂令 大樂丞 漢百官公卿表屬官有大樂令丞 案今有神樂署署正即古之太樂令而署丞即其丞矣

大司樂 周禮春官大司樂中大夫二人上士八人下士十有六人以六律六同五聲八音六舞大合樂以致鬼神示 案今太常寺有司樂二十三人掌供祭祀之事

典祀 周禮春官典祀中士二人下士四人掌外祀之兆守

神樂署 案今有神樂署署正即古之太樂令而署丞即其丞矣

大司樂 周禮春官大司樂中大夫二人上士八人下士十有六人以六律六同五聲八音六舞大合樂以致鬼神示

稱謂錄卷十八

福州梁章鉅撰

男恭辰校刊

太僕寺

太僕 周禮夏官太僕掌正王之服位出入王之大命  
太僕正 太御 書小序穆王命伯冏爲太僕正作冏  
命孔傳太僕長太御中大夫孔疏正訓長也周禮太  
御中大夫太僕下大夫孔以此言太僕正則官高於  
太僕故以爲周禮太御 文獻通攷王莽改太僕爲  
太御 案今世稱太僕爲冏卿卽仿此

稱謂錄

卷十八

一

冏卿 廣事類賦周王命伯冏爲卿 案書伯冏爲太  
僕正故號太僕卿爲冏卿

校人 周禮夏官校人鄭注云校者校也主馬者必仍  
校視之校人馬官之長

僕人師 禮記檀弓卜人師扶右鄭注云卜當爲僕聲  
之悞也釋文曰卜依注音僕師長也謂太僕也

僕臣 揚雄太僕箴云僕臣司駕敢告執阜

相 尙書顧命相被冕服正義引鄭注曰相者正王服  
位之臣爲太僕



司馭 司僕 司馭寺 司僕寺 五代史百官志唐  
龍朔中改太僕曰司馭又改爲司僕 初學記龍朔  
二年改太僕爲司馭寺亦曰司馭卿咸亨中復舊光  
宅元年改爲司僕寺亦曰司僕卿龍朔元年復舊章  
宏景封還除太僕制司僕正卿位居九列

夏卿 隋書百官志梁加置太府卿以少府爲少府卿  
加置太僕卿三卿是爲夏卿

左御 孫述太僕卿制俾升榮於左御

馬師 歷代職官表劉向列仙傳稱馬師皇爲黃帝馬

稱謂錄

卷十八

二

師其說無據而夏之牧正殷之牧師皆見於經傳則  
典牧之官其由來固已久矣

牧師 竹書紀年周公季歷伐無余之戎克之命爲牧  
師

牧正 春秋左氏傳少康爲牧正杜注牧官之長

監牧使 新唐書兵志以太僕少卿李思文檢校隴西

諸監牧使監牧有使自此始 歷代職官表監牧領

之於太僕少卿疑諸監歲時閱視皆以少卿往莅其

事故獨專使名正如今太僕寺堂官每歲赴牧場稽

察之職也

牧場官役

總管 副總管

翼長 協領 副協領 牧長 牧

副 牧丁 會典凡牧馬別其騾馬驢馬以為羣羣

無過四百匹設牧長牧副牧丁任其牧事而轄以協

領協領轄以翼長翼長轄以總管凡統轄總管一人

副管二人翼長四人協領十人副協領十有一人牧

長牧副牧丁各視其羣之數而設之

總典羣牧使司

遼史百官志總典羣牧使司總典羣

稱謂錄

卷十八

三

牧典籍使 案太僕寺左右翼牧場有總管一人副

總管一人以統轄翼長協領牧長牧副諸員則遼之

總典羣牧使司實即今所謂總管而總典羣牧典籍

使殆即今之副總管非寺卿也

提控諸鳥魯古

金史百官志諸羣牧所國言謂鳥魯

古蒙古語

提控鳥魯古二員正四品明昌二年國語改鳥

呼濟庫

牧師苑令

漢書百官公卿表邊郡六牧師苑令各三

丞師古曰漢官儀云牧師諸苑三十六所分置北邊



西邊分養馬三十萬頭 案漢之牧師苑在邊郡正如今邊外之左右翼牧場也則牧師苑令正如今之翼長而牧師苑丞如今之協領矣又上駟院之大凌河牧場商都達布遜諾爾牧場達里岡愛牧場亦各設翼長若牧官牧丁以任其牧事蓋亦此類

苑監官 牧官都尉 通典漢太僕有牧師諸苑之郎爲監官魏置牧官都尉晉因之 案牧官都尉亦如今總管之職

左右龍 左右牧 通典北齊太僕寺有左右龍左右稱謂錄 卷十八 四

牧等署 案左右牧隋書百官志作左右牝爲是蓋左右牝者當如今之騾馬羣左右龍者當如今之騾馬羣也隋書又云左龍署有左龍局右龍署有右龍局左牝署有左牝局右牝署有右牝局署有令丞局並有都尉竊疑署局之分左右當如今太僕寺邊外牧場之分左右翼也署令當如翼長署丞當如協領其都尉當如今之左右翼各有防禦二人驍騎校二人護軍校八人以偵捕者也 隋書又載梁太僕卿統南馬牧左右牧龍廄內外廄丞此則正當作牧字

如今之左右翼牧場矣

典牝 典牡 通典北齊左右牝牡駝牛羊等署令後  
周曰典牝典牡上士中士 案典牝卽騾馬羣之牧  
長典牡卽騾馬羣之牧長

典牧署令 典牧署丞 通典唐典牧署令丞各四人  
掌外牧及造酥酪脯腊之事

### 光祿寺

光祿勳 冬卿 隋書百官志以光祿勳爲光祿卿大  
鴻臚爲鴻臚卿都水使者爲大舟卿三卿是爲冬卿

稱謂錄

卷十八

五

歷代職官表今光祿寺其名本出於漢之光祿勳  
自唐六典通典諸書皆以光祿勳載入光祿寺沿革  
然考光祿勳乃郎中令改名所掌爲宿衛宮殿門戶  
及典三署郎漢書百官表云郎中令掌宮殿掖門戶  
武帝更名光祿勳是也故柏梁聯句有總領從官之  
語其職當如今之領侍衛內大臣自六朝除去勳字  
謂之光祿卿後魏又置少卿北齊曰光祿寺置少卿  
兼掌諸膳食帳幕遂爲今光祿所自始名雖相襲而  
職務實迥殊也



總領 漢武帝柏梁詩光祿勳總領從官柏梁臺 蘇頌光祿卿制柏梁賦詩俾聞於總領 案兩漢官制自光祿太中中散諫議等大夫及謁者僕射羽林郎郎中侍郎五官武賁左右等中郎將奉車駙馬二都尉車戶騎二將並屬光祿勳故有總領之稱今則不然矣

庖正 春秋左氏傳少康逃奔有虞爲之庖正杜注庖正掌膳羞之官孔疏謂之正當是食官之長

司中 漢書王莽傳始建國元年莽更名光祿勳曰司中 稱謂錄 卷十八 六

司宰寺 司膳寺 唐六典云龍朔二年改光祿寺曰司宰寺咸亨中復舊武后光宅元年又改爲司膳寺 神龍初復舊

崇祿寺 遼史百官志南面官崇祿寺本光祿寺因太宗諱改

司鼎 蘇頌送光祿勳詩不授綸爲草還司鼎作梅

祿臣 揚雄光祿勳箴祿臣司光敢告執經

飽卿 容齋四筆唐人稱光祿曰飽卿 蘇軾詩注京

師謂光祿爲飽卿

太官署

太官 前漢百官表少府屬官有太官湯官導官令丞  
胞人長丞師古曰太官主膳食湯官主餅餌導官主  
擇米 後漢百官志太官令一人掌御飲食 案古  
字胞與庖同禮記祭統有燁胞翟闔莊子庚桑楚湯  
以胞人籠伊尹皆卽周官之庖人也

膳夫 周禮天官膳夫掌王之食飲膳羞 詩膳夫冢

宰 揚雄太官箴時維膳夫實主王饗 案杜君卿

稱謂錄

卷十八

七

云太官署令丞於周爲膳夫庖人外饗

外饗 周禮天官外饗中士四人下士八人掌外祭祀

之割烹

尙食 漢惠帝紀宦官尙食比郎中注尙主也 通典

後魏分大官爲尙食中尙食知御膳 王維詩大官

尙食陳羽觴 舊唐書官品志尙食局進御必辨其

時禁春肝夏心秋肺冬腎四季之月脾皆不可食當

進必先嘗

典庖 內膳 通典後周有典庖中士內膳下士



品嘗官 岳珂程史以黃紙書品嘗官姓名以待進蓋  
取周官膳宰品嘗食王乃食之義

珍羞署

庖人 獻人 鼈人 周禮天官庖人中士四人下士  
八人掌共六畜六獸六禽獻人中士二人下士四人  
掌以時獻鼈人下士四人掌取互物 案會典珍羞  
署掌共禽兔共魚物正當此數職矣

甘丞 後漢百官志甘丞主膳具

餼藏署 隋書百官志北齊光祿寺餼藏署令丞掌器

稱謂錄

卷十八

八

物鮮味等事 案隋如北齊唐因之長安中改爲珍  
羞

良醞署

酒人 周禮天官酒人中士四人下士八人掌酒之政  
令

酒丞 酒吏 通典良醞署令丞周官酒正中士下士

掌酒之政令晉有酒丞齊有酒吏梁曰酒庫丞北齊  
有清漳令丞主酒隋曰良醞署令丞各一人

湯官丞 後漢百官志湯官丞主酒

都麴院 文獻通攷都麴院掌造麴以給內酒坊之用  
監官二人以京朝官及諸司使副內侍充

法酒庫 宋史職官志法酒庫內酒坊以式法授酒材  
視其厚簿之齊而謹其出納之政 案馬貴與云法  
酒庫監官二人以朝臣及三班使臣內侍充

內酒坊使 文獻通攷宋良醞署屬御廚有內酒坊使  
掌造法糯酒常料之三等酒以供邦國之用監官二  
人監門三人以三班內院充

掌醞署

稱謂錄

卷十八

九

釀食典軍 通典齊諸公府有釀食典軍二人隋曰掌  
醞署令丞各一人

國子監

國子監 案通典北齊有國子寺祭酒一人隋改寺爲  
學煬帝改國學爲國子監唐因之

司成館 成均 冊府元龜唐貞觀初改國子寺爲監

六年復置國子司業一人龍朔二年改國子爲司成

館祭酒爲大司成司業爲小司成博士爲司成宣業

咸亨初復舊光宅初改國子監爲成均監祭酒爲成



均祭酒神龍初復舊

祭酒

祭酒 叩鉢齋官職考漢吳王濞爲劉氏祭酒謂其齒長執祭酒也光武以名侍中常侍之久次者魏晉有軍咨記室祭酒晉始設國子監祭酒掌之遂定爲制案史記荀卿在齊爲三老稱祭酒胡廣曰凡官名祭酒皆一位之元長古者賓得主人饌則老者一人舉酒以祭地故以祭酒爲稱漢之侍中魏之散騎常侍功高者並爲祭酒用其義也此當爲祭酒得名之

稱謂錄

卷十八

十

始 晉職官志咸甯四年武帝初立國子學定置國子祭酒博士各一人助教十五人此爲祭酒立官之始

三老 通典孫卿在齊爲三老稱祭酒漢置博士晉初立國子學置國子祭酒一人助教十五人

師氏 保氏 周禮地官師氏掌以媿詔王以三德教國子保氏掌諫王惡而養國子以道 蔡邕勸學篇師氏居虎門卽今祭酒也

大司成 禮記文王世子大司成論說在東序鄭注大

司成司徒之屬師氏也

國師 梁書王承傳轉國子祭酒承祖儉父陳皆爲此職三世爲國師

司業

司業 少司成 禮記樂正司業父師司成 唐書職

官志國子司業從四品下階又龍朔二年改祭酒爲大司成司業爲少司成博士以爲宣業杜甫詩賴有蘇司業時時乞酒錢

國子師 韓愈祭竇司業文三年國子師

稱謂錄

卷十八

士

左右師 歸崇敬傳注以國子監爲辟雍省以祭酒爲太師氏司業爲左右師

博士

國子博士 谷那律傳遷國子博士淹識羣書褚遂良稱爲九經庫 案晉江左置國子博士十六人謂之太學博士後魏太和二十年又立四門博士於四門置學唐又置廣文館博士一人書學博士二人算學博士二人晉廷尉屬官又有律學博士

五經博士 隋書百官志梁天監四年置五經博士各



一人 案漢書武帝建元五年初置五經博士則漢代已有此官

學士 通典宋明帝置總明觀察祭酒一人有元儒文史四科科置學士

儒臣 揚雄博士箴儒臣司典

廣文 鄭虔傳宰相曰上增國學置廣文館以居賢者  
今後世言廣文博士自君始

天下宗師 朱浮上書曰博士之官爲天下宗師

助教

稱謂錄

卷十八

三

助教 齊書孔稚圭傳國學置律助教依五經例國子  
生有欲讀者策試上過高第 柳宗元四門助教壁  
記助教之職佐博士以掌鼓篋夏楚之政 案咸甯  
四年初立國子學置助教十五人以教生徒江左及  
宋並十人則助教之官蓋始於晉

鴻臚寺

臚人 文選張平子東京賦九賓重臚人列注臚人鴻  
臚也主賓客之官

謁者 漢書百官表謁者掌賓贊受事 後漢書百官

志謂者僕射一人比千石爲謂者臺率主常侍謂者五人比六百石主殿上時節威儀其給事謂者四百石其灌謂者郎中比三百石通典謂者缺選郎中美鬚眉大音者以補之歷代職官表史記有大謂者張釋之漢書有大謂者劉襄而百官表不見此名疑卽謂者僕射之別稱蓋其職如今之鴻臚卿而給事謂者則如今之鳴贊灌謂者則如今之序班

冬卿 見上

客卿 睡卿 容齋四筆唐人稱鴻臚爲客卿睡卿

稱謂錄 卷十八

三

司文卿 唐龍朔中改鴻臚爲司文卿

鳴贊

給事謂者 見謂者注

通事舍人 舊唐書百官志通事舍人掌朝見引納及

辭謝者於殿廷通奏凡近臣入侍文武就列則導其進退而贊其拜起出入之節注云通事舍人秦謂者之官也晉置舍人通事各一人東晉曰通事舍人隋因晉制置十六人又爲通事謂者武德初廢謂者臺改通事謂者爲通事舍人



閣門宣贊舍人 建炎以來朝野雜記閣門宣贊舍人

掌唱贊書命閣門祇候掌衛班列 歷代職官表天

禧三年閣門與太常禮院上天祀稱慶合班圖卽如

今之行禮儀注景祐四年詔閣門於紫宸殿垂拱刊

石爲百官表卽如今 太和殿前之品級山至天禧

中祖士衡所請令閣門祇候先起居而後贊謁者蓋

以閣門祇候旣當側立贊謁自不能更隨班拜跪故

令其先在內廷起居畢後再立殿廷今三大節大朝

之禮鴻臚寺執事各官先起居 中和殿前行禮畢

稱謂錄

卷十八

十四

再趨出各就班位屆時傳贊行禮正其例耳

序班

司儀 周禮秋官司儀掌九儀之賓客擯相之禮 獻

徵錄齊政爲鴻臚序班曰此九賓職也

典儀 新唐書百官志隋謂者臺有典儀

灌謂者 見上謂者注

閣門祇候 見閣門贊宣舍人注

序客 沈約袖中記釋名曰鴻臚者本故典客事掌賓

禮武帝時更爲鴻臚鴻大也臚陳序也欲人以禮陳

序於賓客故稱序客

侍儀司 元史百官志侍儀司掌凡朝會卽位册后建儲奉上尊號及外國朝覲之禮

順天府

內史 京兆尹 漢地理志京兆尹故秦內史高帝元

年屬塞國二年更爲渭南郡九年罷復爲內史武帝

建元六年分爲右內史 急就篇馮翊京兆執治民

注漢武帝分京師爲三輔京都爲京兆絕高曰京十

萬曰兆 通典周官有內史秦因之掌治京師 漢

稱謂錄

卷十八

十五

書百官公卿表內史掌治京師景帝二年分置左內

史右內史太初元年右內史更名京兆尹左內史更

名左馮翊主爵中尉更名右扶風與左馮翊京兆尹

是爲三輔注扶助也風化也馮輔也翊贊也京大也

兆者衆數言大眾所在也 案漢書張敞傳京兆治

京師漢三輔並治長安然都城以內不屬扶風故後

人但稱順天府爲京兆尹也又案京兆之名隨地而

改如東漢及三國之河南尹晉宋梁齊陳之丹陽尹

北魏之代尹魏尹萬年尹北齊之都尹五季之開封



尹南宋之臨安府遼之南面五京尹金之大興府尹  
元之大都路總管至前明始爲順天府尹 本朝因  
之

頭上尹 劉栖楚傳改京兆尹不避權豪一日軍士有  
所凌突諸少年從旁譟曰癡男子不記頭上尹耶

順天府丞

京兆少尹 唐六典京兆河南太原府牧一人從二品  
尹一人從三品掌肅清邦畿考覈官吏宣布德化撫  
和齊人少尹二人從四品掌貳府事以紀綱衆務

稱謂錄

卷十八

七

案少尹卽今之順天府丞也

治中

贊治 隋書百官志雍州置牧屬官有別駕贊務等員  
案贊務卽贊治唐永徽中避高宗名據舊唐書百  
官志魏晉有治中隋文帝改爲司馬煬帝改爲贊治  
卽今之治中也

欽天監

太史曹 通典隋改太史令爲太史曹煬帝又改曹爲  
監唐初改監爲局 案唐書百官志注武德四年改

太史監曰太史局

太史局 祕閣局 渾儀監 太史監 司天臺 舊

唐書百官志司天臺舊爲太史局龍朔二年改太史局爲祕閣局光宅元年改曰渾天監俄改爲渾儀監長安二年復爲太史局景雲元年改爲太史監改天文博士曰靈臺郎歷博士曰保章正乾元元年改爲司天臺

渾天監 通典後漢太史令掌天時星歷屬祕書省太史曹置令二人唐光宅初改爲渾天監

稱謂錄

卷十八

七

日官 日御 左桓十七年傳天子有日官諸侯有日御服虔注日官日御典歷數者也

馮相氏 保章氏 周禮鄭注馮乘也相視也世登高臺以視天文之次序保守也以守天文之度數

鳳鳥氏 左昭十七年傳鄭子曰我高祖少皞摯之立也鳳鳥適至故紀於鳥爲鳥師而鳥名鳳鳥氏歷正也杜注鳳鳥知天時故以名官 案堯有羲和之官卽今欽天監職也

天部 拾遺錄宋子韋世司天部妙觀星緯梓慎裨竈



之儻也

疇人 疇官 史記云云史不記時君不告朔故疇人子弟分散或在諸夏或在夷狄如淳曰家業世世相傳爲疇律年二十三傳之疇官各從其父學索隱曰韋昭云疇類也孟康云同類之人明厯者也樂彥云疇昔知星人也

清臺 岳珂程史近世清臺占候頗失其守

監正 監副

太史令 太史丞 呂氏春秋夏太史令終古出其圖

稱謂錄

卷十八

七

法如商 淮南子汜論訓殷太史令向藝先歸文王

後漢書百官志太史令一人掌天時星厯 禮記

曲禮天子建官先六太曰太史 周禮春官太史掌

建邦之六典正歲年以序事鄭注太史曰官也 張

衡傳爲太史令研覈陰陽妙盡璇璣之正作渾天儀

著靈憲 案漢百官公卿表太史爲奉常屬官有令

丞則漢之太史令當如今之監正漢之太史丞如今

之監副也

司天監 玉海皇祐初爲圭法置於司天監 宋史職

官志司天監掌察天文祥異鐘鼓漏刻寫造歷書供諸壇祀祭告神名版位 山堂考索宋初置司天監以他官兼判 宋史律歷志熙寧開司馬光沈括皆嘗提舉司天監 元史百官志司天監秩正四品舊唐書百官志司天監一員從三品原注云本太史局令從五品下乾元元年改爲監升從三品一如殿中品秩則唐以前皆稱太史至唐始升爲監也

司天少監 宋方技傳王熙元授司天少監繼陰陽事十卷真宗爲製序賜名靈臺祕要 案舊唐書百官

稱謂錄 卷十八 七

志司天少監二人從四品下原注云本曰太史局丞從七品下乾元升爲少監與諸司少監同品也則改丞曰少監亦始於唐卽今之監副所自昉歟

時憲科

五官正 舊唐書百官志五官正五員正五品上原注云乾元元年置五官有春夏秋冬中五官之名 案今之欽天監時憲科有五官正又有春官正夏官正中官正秋官正冬官正諸職蓋亦因唐之舊

五官 左昭二十九年傳有五行之官是謂五官木正



曰勾芒火正曰祝融金正曰蓐收水正曰元冥土正  
曰后土 案此卽五官正所自昉

五官司歷 舊唐書百官志司天臺有五官司歷五員  
新書二員 案司歷蓋古官名左傳云司歷過也是  
也今時憲科之五官司書卽唐之五官司歷歟

保章正 案唐改歷博士曰保章正卽今時憲科之博  
士歟

南正 火正 國語楚語少昊氏之衰九黎亂德人神

雜擾顛頊受之乃命南正重司天以屬民火正黎司

稱謂錄

卷十八

三

地以屬民使復舊常毋相侵奪其後復育重黎之後  
不忘舊者使復典之以至於夏商

元鳥氏 伯趙氏 青鳥氏 丹鳥氏 左昭十七年

傳元鳥氏司分者也伯趙氏司至者也青鳥氏司啟  
者也丹鳥氏司閉者也

天文科

靈臺郎 案唐改天文博士曰靈臺郎此五官靈臺郎  
之始今之天文科則既有靈臺郎而又有博士二人

五官監候 舊唐書百官志五官監候五員新唐書云

三員 案此卽今天文科五官監候之始

天文生 舊唐書百官志司天臺注天文生六十人

漏刻科

挈壺正 司晨 漏刻博士 舊唐書百官志司天臺

有五官挈壺正五員 新書作二員 五官司晨十五員 新書作八員

員 漏刻博士二十人 新書作六人 案今漏刻科有五官

挈壺正滿洲一人蒙古一人漢二人五官司晨漢軍

一人博士漢軍一人漢七人蓋亦沿唐舊制

壺郎 孔子談苑掌漏官曰壺郎

稱謂錄

卷十八

三

銅史 梁陸倕賦掌刻漏人曰銅史



稱謂錄卷十九

福州梁章鉅撰

男恭辰校刊

太醫院

太醫監 明初設醫學提舉司改爲太醫監後始爲院使掌醫療之法院判貳之院使二人一掌印務事一管御醫事左右院判管理教習御醫廳事明嘉靖時號爲聖濟院留青集稱爲大良相

翰林醫官院

五代方技傳劉翰世習醫業周世宗命爲翰林醫 祖常詩病來能召翰林醫 案五代時

稱謂錄

卷十九

一

有翰林醫官使宋制翰林醫官院使副各二人尙藥奉御六人醫官醫學祇候無定員舊制翰林醫官使四人副使二人直院七人尙藥奉御七人醫官三十人醫學四十人祇候醫人二十人其員猥多寶元二年始立使副直院尙藥奉御定員醫官醫學無班位以服色爲差崇寧以後醫官又有和安成和成安成全大夫保和大夫保安大夫翰林良醫和安成和成安成全郎保和郎保安郎翰林醫正翰林醫官翰林醫效翰林醫痊翰林醫愈翰林醫證翰林醫診翰林

醫候翰林醫學諸稱

尙藥監 後漢書蓋勳傳京兆高望爲尙藥監

院使

太醫令 後漢百官志太醫令一人六百石掌諸醫藥

注漢官曰員醫二百九十三人 舊唐書職官志太

醫令掌醫療之法其屬四一曰醫師二曰鍼師三曰

按摩師四曰呪禁師 案隋書百官志太常寺屬官

太醫署令丞各一人主藥二人醫師二百人藥園師

二人醫博士二人助教二人按摩博士二人呪禁博

稱謂錄 卷十九

二

士二人太醫令當如今之院使大醫丞如今之院判

太醫丞 後漢方術傳郭玉師事程高學方診六微之

技陰陽不測之術和帝時爲太醫丞多有效應 續

漢書東平王蒼到國病詔遣太醫丞將高手醫視病

御醫

御師 資治通鑑齊建武元年海陵恭王有疾遣御師

瞻視胡三省注御師醫師也以其供御故謂之御師

醫師 周禮天官醫師掌醫之政令

侍醫 史記刺客列傳侍醫夏無且 漢書王嘉傳侍



醫五宏等侍內案脈顏注侍醫天子之醫也

大醫 雲笈七籤軒轅本紀時有仙伯出於岐山號岐伯善說草木之藥性味爲大醫帝請主方藥

奉御 直長 舊唐書職官志殿中省有尙藥局奉御

二人直長四人 職官分紀奉御掌合和御藥及診候之事直長爲之貳

奉醫大夫 唐六典龍朔二年改奉御爲奉醫大夫咸

亨初復舊 文獻通攷尙藥局奉醫梁陳以後皆太

醫世其職唐始改爲奉醫大夫

稱謂錄 卷十九

三

御醫院尙當官 宋史職官志無常員掌案驗祕方以時劑和藥品以進御

吏目 醫士 醫生

醫監 醫正 唐六典醫監四人從八品下醫正八人

從九品下注云後周有醫正上土中土下土隋煬帝

置醫監五員醫正十員唐因之隋又有藥園師藥園

生等唐因之

醫工 唐六典醫工一百人注云漢有醫工長第五倫

補爲淮陽王醫工長是也

醫生 典學 唐六典醫生四十人典學二人注云後周醫正有醫生二百人隋太醫有生一百二十人皇朝改置四十人貞觀後置典學二人

醫博士 助教 唐六典醫博士一人正八品上助教一人從九品上注云後魏有大醫博士助教隋太醫有博士二人掌醫生武德中博士一人助教一人貞觀中改置一人又置醫師醫工佐之

鍼博士 鍼助教 鍼師 鍼工 舊唐書職官志鍼

博士掌教鍼生以脉經孔穴使識浮沈澀滑之候以稱謂錄 卷十九 四

九鍼爲補瀉之法 案唐六典鍼博士一人從八品上鍼助教一人九品下注云又置鍼師鍼工以教鍼生也

按摩博士 按摩師 按摩工 按摩生 唐六典按摩博士一人從九品下案按摩師四人按摩工十六人案按摩生十五人

呪禁博士 呪禁師 呪禁工 唐六典呪禁博士一人從九品下注云隋太醫有呪禁博士一人皇朝因之又置呪禁師呪禁工以佐之教呪禁生也 案此



卽今之祝由科也

翰林學士 宋史太宗紀雍熙四年九月癸亥校醫術  
人優者爲翰林學士 案熙寧九年置太醫局以知  
制誥熊本提舉大理寺丞單驤管幹後詔勿隸太常  
寺置提舉一判局二判局則選知醫者爲之有九科  
科置教授一選翰林醫官以下與上等學生及在外  
良醫爲之學生嘗以春試取合格者二百人爲額歲  
終稽其功績爲三等第補之上等月給錢十五千毋  
過二十人中 等十千毋過三十人下等五千毋過五

稱謂錄

卷十九

五

十人詳具宋史職官志

內務府

六府 禮記曲禮天子之六府曰司土司木司水司草  
司器司貨典司六職鄭注府主藏六物之稅此亦殷  
時制也周則皆屬司徒 歷代職官表鄭注謂周屬  
司徒蓋如今戶部之三庫但殷五官既有司徒而復  
別設六府則在殷時固不爲司徒之掌而與今之內  
務府相近矣

百司庶府 書立政百司庶府蔡傳百司若司裘司服

庶府若內府天府之屬

太府 周禮天官太府掌九賦九貢九功之貳以受其貨賄之入凡式貢之餘財以共玩好之用

天府 周禮春官天府掌祖廟之守藏與其政令凡國之玉鎮大寶器藏焉 荀子大略篇不知而問堯舜求財而求天府注求財於六貳之博得之不窮故曰天府天府天之府藏

少府 漢書百官表少府掌山海地澤之稅顏注大司農供軍國之用少府以養天子也 急就篇司農少

稱謂錄

卷十九

六

府國之淵 歷代職官表漢承秦制立少府以供養宮禁位列九卿凡諸奉御之職無所不統今以漢百官表所載詳繹之今內務府七司諸官蓋皆有其職焉如御府尙方東織西織是廣儲司之掌尙書內者諸僕射署是會計司及內管領之掌中書謁者與掌儀司相近而大官胞人則如今內茶膳房也左弋伏飛掌弋射都水鉤盾主苑囿近於都虞司之掌也服虔鄧展以若盧爲詔獄如淳以爲藏兵器而漢官儀注則云有若盧獄今主治庫兵是一官而兼兩職如



慎刑司及武備院之兼職也考工室左右司空東園匠如今之營造司而尚方令又如今之造辦處也惟慶豐所掌未見於少府之屬蓋太府所兼掌耳

殿中監 通典魏置殿中監晉因之

宣徽院 冊府元龜後唐以李紹宏爲宣徽南院使兼掌內甸天下財穀皆委裁遣又孟漢瓊明宣時爲宣徽北院使 案後唐以宦者爲宣徽使主天下財穀 宣徽之名實首見於此而宋因之

宮籍監提點

金史百官志殿前都點檢司屬宮宮籍

稱謂錄

卷十九

七

監提點掌內外監戶及地土錢帛小大差發

大都留守司

元史百官志大都留守兼理營膳內府

諸邸都宮原廟尚方車服殿廡供帳內苑花木及行幸湯沐宴游之所門禁關鑰啟閉之事

內務府總管大臣

宮正

宮伯

周禮天官宮正掌王宮之戒令宮伯掌

王宮之士庶子

歷代職官表此在今時爲內務府

大臣之職其所以秩止於上士中士下士者則以冢

宰統臨於上而諸官爲專司故不疑其秩之輕也

尚供總管府 雲需總管府 元史百官志尚供總管

府掌守護東涼亭行宮及游獵供需之事雲需總管

府掌守護蔡罕諾爾行宮及行營供辦之事 案此

與今都虞司及各處總管之職相仿其職皆正三品

則亦當今之內務府大臣矣

包衣昂邦 叩鉢齋官職攷卽內務府總管

內包衣牛錄章京 同上云卽內務府

廣儲司

玉府 周禮天官玉府掌王之金玉玩好兵器凡良貨

稱謂錄

卷十九

八

賄之藏凡王之好賜共其貨賄 案今廣儲司有銀

庫員外郎正當此職

內府 周禮天官內府掌受九貢九賦九功之貨賄良

兵器良器以待邦之大用凡王及冢宰之好賜予齒革

兵器凡良貨賄入焉凡王及冢宰之好賜予則共之

內者令 後漢百官志內者令一人六百石注掌中布

張諸衣服

尚方令 考工令 通典周官爲玉府秦置尚方令兩

漢又有考工令漢末分尚方爲中左右三尚方宋孝



武大明中改曰御府後廢帝初省御府置中署唐省  
方字有中左右三尚署令丞各一人中署掌宮內營  
造雜作左署掌車輦織扇膠漆畫鏤等作右署掌皮  
毛膠墨雜作席薦等事 案廣儲司有匠作之等七  
曰銀作曰銅作曰染作曰衣作曰繡作曰花作曰皮  
作蓋卽唐之三尚署矣

掌皮 周禮天官掌皮掌秋歛皮冬歛革春獻之共其  
毳皮爲氈以待邦事 案廣儲司皮庫員外郎正當  
此職

稱謂錄

卷十九

九

司服 周禮春官司服掌王之吉凶衣服 案今衣庫  
員外郎正當此職

常服郎 通典後魏有掌服郎 案此卽廣儲司之衣  
庫員外郎矣

主衣局都統 主衣局子統 隋書百官志北齊門下  
省領主衣局都統各二人掌御衣服玩弄事 案主  
衣局卽今之衣庫都統如今之司庫子統如今之副  
司庫

典絲 典泉 縫人 染人 周禮天官典絲下士二

人典冢下士二人縫人奄二人女御八人染人下士  
二人 案廣儲司織染局掌組織繪繡之事以供  
內廷之服用者周官正當此數職也

和用監 中尚監 章佩監 元史百官志和用監中

尚監章佩監秩皆正三品 案此三監領各局諸庫  
爲自古所未有今廣儲六庫營造八作之所司差爲  
相近

都虞司

山虞 澤虞 周禮地官山虞掌山林之政令若大田

稱謂錄

卷十九

十

獵則萊 山田之野及弊田植虞旗於中致禽而餌焉

澤虞掌國澤之政令若大田獵則萊澤野及弊田植

虞旌以屬禽 案都虞司掌府屬武職官之銓選凡

山澤采捕之事皆掌焉正周官山虞澤虞之職也蓋

虞人本田獵之官田獵爲武事故武職之銓選亦並

屬諸都虞司耳

獸人 周禮天官獸人掌罟田獸 案今都虞司設打

牲官於松花江其丁曰珠軒歲覈其所納者而賞罰

之蓋卽古獸人之職也



掌儀司

侍儀司 元史百官志至元十三年以侍儀司並入太常寺二十年又別置侍儀司 案此與內務府之掌儀司相似

果房

果官 通典晉太官令有錫官果官吏各二人 案今內務果房有掌果二人正與晉同

果丞 續漢百官志果丞掌果

會計司

稱謂錄

卷十九

十一

職內 職歲 周禮天官職內掌邦之賦入職歲掌邦之賦出 案會計司掌徵三旗園賦莊賦而稽其出納卽職內職歲是矣

營造司

將作大匠 漢百官公卿表將作少府秦官掌治宮室有兩丞左右中候景帝中六年更名將作大匠屬官有石庫東園主章左右前後分校七令丞又立章長丞武帝太初元年更名東園主章爲木工如淳曰章謂大材也舊將作大匠之材吏名章曹掾師古曰今

所謂木鐘者蓋章聲之轉耳東園主章掌大材以供東園大匠也 案內務府營造司之木庫庫掌二人副庫掌二人庫守十有一人掌供木材卽漢之東園主章長丞矣據此則營造司直年大臣卽古之將作大匠也

石庫令 東園主章令 見上注

繕工監 營繕監 通典唐龍朔二年改將作爲繕工監咸亨元年復舊光宅元年改爲營繕監

掌冶署 隋書百官志北齊太府寺統諸冶東西道署

稱謂錄

卷十九

三

隋曰掌冶署有令丞 案通典云秦及漢郡國有鐵官晉冶令掌工徒鼓鑄宋有東冶南冶各置令丞梁陳有東西冶後周有冶工鐵工中土唐因隋制於京師置冶署有令丞各一人掌造鑄金銀銅鐵今營造司有鐵庫庫掌二人副庫掌二人掌供鐵炸卽隋之掌冶署令丞歟

左校署 右校署 隋書百官志將作寺統左右校署

令丞 案通典云左校掌營構木作採材等事右校

掌土作瓦泥並燒石灰厠溷等事則左校署卽內務



府之木庫右校署卽內務府之房庫也

甄官署 隋書百官志北齊太府寺統左右甄官等署

合丞 案通典云後漢有前後中甄官合屬將作晉

有甄官署掌磚瓦之事宋齊北齊隋悉有唐因之掌

營磚石甃瓦則今之內務府房庫掌供石瓦設棚座

蓋並右校甄官兩署而一之矣

司竹長 司竹都尉 司竹監 通典漢有司竹長丞

後魏有司竹都尉隋曰司竹監 案內務府之器庫

庫掌二人副庫掌二人掌造籐竹之器卽古之司竹

稱謂錄 卷十九

三

長丞矣

甸師 周禮天官甸師下士二人帥其徒以薪蒸役外

內饗之事 案內務府薪庫有庫掌二人蓋卽此職

掌炭 周禮地官掌炭下士二人掌灰物炭物之政合

案內務府炭庫有庫掌二人蓋卽此職

慶豐司

牧人 牛人 羊人 周禮地官牧人掌牧六牲而阜

蕃其物牛人掌養國之公牛以待國之政合夏官羊

人掌羊牲 案此卽今內務府慶豐司之職

駝牛署 司羊署 隋書百官志北齊太僕寺統駝牛

司羊等署令丞駝牛署有典駝特牛特牛三局司羊署有特羊特羊諸局並有都尉 案此亦今慶豐司

之職掌也

典牧署 牛羊署 隋書百官志隋太僕寺統典牧牛

羊等署各置令丞

慎刑司

方士 周禮秋官方士掌都家聽其訟獄之辭辨其死

刑之罪而要之案內務府慎刑司掌讞三旗之獄與

稱謂錄

卷十九

十四

此職相似

上駟院

御馬監 博物典彙在內有御馬監掌天子十二閑之

政

阿敦衙門 皇朝通攷順治初年設御馬監十八年改

爲阿敦衙門以大臣侍衛管理康熙十六年改爲上

駟院

尙廐院 金史百官志尙廐局掌御馬調習牧養以奉

其事

案此仍遼制而爲名正今上駟院之職也



左右騏驎院 左右天駟監 宋史職官志掌國馬別其駕良以待軍國之用

天驥府 詳見鸞儀衛控鶴注

上駟院大臣

校人 周官夏官校人掌王馬之政

尙乘局奉御 舊唐書職官志奉御掌內外閑廐之馬

注曰一曰左右飛黃閑二曰左右吉良閑三曰左右

龍媒閑四曰左右騊駼閑五曰左右馱騏閑六曰左

右天苑閑 案北齊太僕驂騶署有奉御十人管十

稱謂錄

卷十九

十五

二閑馬隋煬帝取之置尙乘局署奉御二人唐因之增置奉御二人龍朔二年改爲奉駕大夫者卽此

天廐使 宋史太宗紀新作天使左右監以左右飛龍使爲左右天廐使又雍熙二年幸天駟監賜使從臣馬

羣牧司制置使 騏驎院句當官 文獻通攷宋有羣

牧司制置使以樞密使副爲之掌內外廐牧之事周

知國馬之政又有騏驎院句當官以諸司使副及內

侍充掌牧養國馬以供乘輿及頒賜

阿敦侍衛

阿敦侍衛 會典上駟院有阿敦侍衛二十有一人掌

侍直騎試 御馬及閱馬於廐羣則率其長若副而

供令

技巧六廐令 漢百官公卿表水衡都尉屬官有技巧

六廐令丞師古曰天子六廐未央承華駒騎馬輅

輅大廐也據此表大僕屬官已有大廐未央輅駒騎

馬駒除承華而水衡又云六廐技巧官是則技巧之

徒供六廐者其官別屬水衡也 案所謂技巧卽侍

稱謂錄

卷十九

六

直騎試之謂歟

一 醫師長

醫師長 副醫師長 會典上駟院有醫師長三人副

醫師長蒙古二人掌治馬駝之疾

獸醫 巫馬 周禮天官獸醫下士四人掌療獸病夏

官巫馬下士二人醫四人掌養牧馬

獸醫博士員 隋書百官志太僕寺有獸醫博士員一

百二十人

馬廐官役



廄長 廄副 廄丁 會典京師各廄均設廄長一人  
廄副二人廄丁二十人

趣馬 廄人 圉師 圉人 周禮夏官趣馬下士阜  
一人廄人下士圉二人圉師乘一人圉人良馬匹一  
人驚馬麗一人 案趣馬廄人如今之廄長廄副而  
圉師圉人則如今之廄丁耳

典廄署令 典廄署丞 通典唐改龍廄爲典廄署令  
二人丞四人掌在廄繫飼馬牛及雜畜事

未央廄令 大廄令 家馬廄令 通典東京有未央  
稱謂錄 卷十九 七

廄令掌乘輿及宮中之馬 案歷代職官表通典又  
載魏改未央廄令爲乘黃廄驪廄驪廄爲後代  
龍廄內廄之所自始而晉宋以後遂分屬門下省則  
正上駟院之職也 案百官公卿表云大廄未央家  
馬三令各五丞一尉師古曰家馬者主供天子私用  
非大事戎事軍國所頒又武帝太初元年更名家馬  
爲捫馬應劭曰主乳馬取其汗捫治之味酢可飲因  
以名官也師古曰捫音徒孔反今上駟院掌 御馬  
之政令凡供直日陳 御馬四於 景運門外正與

家馬義合則家馬廄令及大廄令亦並當如上駟院之左右司郎中員外各職其各有廄丞廄尉亦主事筆帖式之類歟

承華廄令 古今注漢安帝元年置承華廄令 案百官公卿表止言承華監有長丞而不言有廄令殆廄令卽監長之別稱耳

牧橐令丞 昆躡令丞 漢書百官公卿表有牧橐昆號令丞應劭曰昆躡好馬名

騾驥廄丞 袁宏後漢紀靈帝初置騾驥丞

稱謂錄

卷十九

六

移中監 漢書蘇武傳稍遷至移中廄監注移中廄名爲之監也

臨漢監 唐書孟簡傳時有詔置臨漢監以牧馬命簡兼使職

牧場官役

監長 監丞 漢書百官公卿表太僕秦官掌輿馬有

兩丞又龍馬閑駒橐泉駒駮承華五監長丞 案漢

之五監各有監長監丞如今邊外牧場之騾馬羣駟

馬羣每羣皆設牧長牧副牧丁以任其牧事也



駿馬監 騎馬令 馬監 漢書傅介子傳介子以駿馬監求使大宛 玉海武帝以嚴安爲騎馬令金日磾拜馬監 案漢百官公卿表車府路輪騎馬駿馬四令丞則駿馬監殆卽駿馬令也且既有駿馬令騎馬令亦必有駿馬丞騎馬丞也令當如今之牧長丞亦當如今之牧副歟

牧馬監 宋史高宗紀置牧馬監於潮惠三州

馬羣太保 遼史蕭陶隗傳咸熙初任馬羣太保

馭夫 僕夫 周禮夏官校人凡頒良馬而養乘之乘

稱謂錄 卷十九

七

馬一師四圍二乘爲阜阜一趣馬三阜爲繫繫一馭夫六繫爲廢廢一僕夫六廢成校校有左右 案由此言之則廢一僕夫正爲今之廢長六廢成校適如今之上駟院矣

武備院

武庫令 漢書百官表中尉屬官有武庫令丞 通典

兩漢武庫令屬執金吾

若盧令 漢百官公卿表少府屬官有若盧令丞如鴻

曰若盧官名也藏兵器品令曰若盧郎中二十八主

弩射漢儀注有若盧獄令主治庫兵將相大臣 案  
此則如今武備院大臣而又兼內務府慎刑司之職  
矣

軍器監 冊府元龜後周武帝四年置軍器監 唐書

百官志軍器監一人掌繕甲弩以時輸武庫 宋史

職官志軍器監掌監督繕治兵器以給軍國之用

北鞍庫 南鞍庫

尙乘寺 元史百官志尙乘寺掌上御鞍轡及歲造鞍

轡等事 案此卽今北鞍南鞍二庫之所掌也

稱謂錄 卷十九

三

甲庫

司甲 周禮夏官序官司甲下大夫二人鄭注今之鎧

也司甲兵戈盾官之長 案此下有司兵司戈盾司

弓矢諸官

函人 周禮攷工記函人爲甲 案今武備院甲庫員

外郎二人庫掌五人庫守十有四人掌督造甲冑與

其軍器蓋並函人司甲司戈盾諸職爲一官矣

鎧甲署 隋書百官志少府監統鎧甲弓弩等署 通

典唐改爲甲坊置有令丞



氈庫

司弓矢 周禮夏官司弓矢下大夫二人中士八人掌六弓四弩八矢之法 案今武備院氈庫員外郎二人庫掌五人庫守十有四人掌督造弓矢鞞履凡氈作之事

弓人 周禮攷工記弓人爲弓

屨人 周禮天官屨人下士二人掌王及后之服屨

案此亦今氈庫官所職掌

弓弩署 見上注 案通典又云唐改弓弩署爲弩坊

稱謂錄

卷十九

三

署有令丞

奉宸苑大臣

水衡都尉 漢書百官表水衡都尉掌上林苑應劭曰

古山林之官曰衡掌諸池苑故稱水衡張晏曰主都

水及上林苑故曰水衡主都宮故曰都有卒徒武事

故曰尉師古曰衡平也主平其稅入

奉宸大夫 詳見鑾儀衛控鶴注

各苑圍總管大臣

禁圃令 漢百官公卿表水衡都尉屬官有禁圃令

鉤盾令 漢百官公卿表少府屬官有鉤盾令丞 師

古曰鉤盾近苑囿

上林苑令 後漢書百官志上林苑令主苑中禽獸

上林苑監 留青集上林苑之設自漢元鼎置水衡都

尉始後漢上林苑有令丞唐因隋屬司農亦有令丞

宋司園苑無常員仍屬司農明始專設上林苑置左

右監正監副監丞定良牧蕃育林衡嘉疏四署號虞

官又稱大牧正大虞卿大司籟

華秋苑令 晉書百官志光祿勳統華秋園等令 案

稱謂錄 卷十九

三

三國魏志注云齊王芳即位改芳林為華林故晉志  
有華林苑令也

苑丞 苑副

苑丞 漢百官公卿表上林苑有五丞

齋夫 案漢之齋夫似即今之苑職

御船處大臣

輯濯令 漢百官公卿表水衡都尉屬官有輯濯令丞

師古曰輯讀與楫同音集濯音直孝反皆所以行船

也 案內務府有 御船處管理大臣兼管司員一



人卽是此職

御茶膳房

內饗 周禮天宮內饗中士四人下士八人掌王后及世子膳羞之割烹 案今內務府御膳茶房有尙膳正三人尙膳副一人尙膳十有二人正當此職

鸞儀衛

鸞儀司 職官分紀梁開平初置鸞儀司

儀鸞司 宋史職官志衛尉寺所隸有儀鸞司掌供幕

帑供張之事

稱謂錄

卷十九

三

左右金吾衙門 左右金吾仗司 六軍儀仗司 案

宋史職官志衛尉寺所隸又有此諸司掌清道徼巡

排列奉引儀杖以肅禁衛

胄曹 唐六典胄曹掌甲杖之事凡御杖之物二百一

十有九羽儀之物三百自千牛以下各分典掌

衛侯司 元史百官志衛侯直都指揮使司秩正四品

攷明史以爲拱衛司卽今之鸞儀司

錦衣衛 明史職官志錦衣衛恆以勳戚都督領之凡

朝會巡幸則具鹵簿儀杖率大漢將軍等共一千五百七員

侍從扈行

鸞儀衛大臣

車正 荀子奚仲作車正楊倞注云夏禹時車正 竹  
書紀年殷大戊三十一年命黃侯中衍爲車正 歷  
代職官表奚仲爲夏車正蓋卽今鸞儀衛所由防也  
巾車 周禮春官巾車下大夫二人典路中士二人司  
常中士二人巾車掌公車之政令典路掌王及后之  
五路又云司常掌九旗之物名

車府令 史記秦始皇本紀巾車府令趙高裴駘集解  
稱謂錄 卷十九 五

主乘輿路車

奉車都尉 駙馬都尉 漢書百官表奉車都尉掌御  
乘輿車駙馬都尉掌駙馬 案顏師古云駙副馬非  
正駕車皆爲駙馬漢初以奉車駙馬二都尉供奉乘  
輿最稱親近故霍光任此者幾二十年至三國時多  
以戚畹勳舊爲之迨東晉而後惟尙主者始授此職  
他人皆不得與遂爲主婿之定名而不知其初實主  
侍從車駕卽如今管鑾儀衛大臣之職也

鹵簿使 玉海唐明宗時始有鹵簿使兵部侍郎爲之



歷代職官表當時鹵簿使雖係管攝之官而職在  
排列督整則如今之管鑾儀衛大臣也

衛尉寺卿 唐六典衛尉寺卿掌邦國器械文物之政  
令凡大祭祀大朝會則供其羽儀節鉞金鼓帷帟茵  
席之事 案文獻通攷衛尉秦官漢因之隋開皇三  
年廢後復置掌軍器儀仗帳幕之事 案秦漢衛尉  
掌門衛屯兵南齊衛尉掌宮城管鑰乃今護軍統領  
之職自隋以監門衛掌宮門屯兵而衛尉遂掌儀仗  
等事是隋以前之衛尉卽今之鑾儀衛而隋以後之

稱謂錄

卷十九

五

衛尉乃今之護軍統領也

煖卿 蘇軾詩注京師謂衛尉爲煖卿謂其管鑾儀供  
帳之類

鸞儀衛各員

式道候 漢書百官公卿表式道左右中候候丞爲執  
金吾屬官應劭曰式道凡三候車駕出還式道候持  
麾至宮門門乃開東方朔傳宋萬爲式道候

控鶴 元史百官志至元二十年以控鶴一百三十五  
人隸府正司三十年隸家令司三十一年增控鶴六

十五人立衛侯司以領之兼掌東宮儀從金銀器物  
置衛侯一員副衛侯二員及儀從庫百戶 案衛侯  
司如今之鸞儀衛掌衛事大臣副衛侯如今之鸞儀  
使所謂控鶴者其校尉軍尉旗尉民尉之流歟唐武  
后聖曆二年正月置控鶴府監一員丞一員控鶴左  
右各二十員以張易之爲控鶴監統左控鶴出入供  
奉以麟臺監張昌宗統右控鶴內供奉控鶴之名蓋  
始於此然久視元年六月又改控鶴監爲天驥府則  
與今之奉宸院相似矣

稱謂錄

卷十九

三



稱謂錄卷二十

福州梁章鉅撰

男恭辰校刊

領侍衛內大臣

宮正 宮伯 周禮天宮宮正掌王宮之戒令糾禁又宮伯掌王宮之士庶子凡在版者授八次八舍之職事鄭康成云伯長也衛王宮者必居四角四中於徼候使也鄭司農云庶子衛王在內爲次在外爲舍

歷代職官表周之宮正當如今之領侍衛內大臣宮伯當如今之內大臣而宮伯所領衛士在王宮之四稱謂錄

卷二十

一

角四中分置八隅則又兼近今護軍統領之職也案隋書禮儀志後周警衛之制置左右宮伯掌侍衛之禁小宮伯貳之

郎中令 光祿勳 漢書惠帝紀郎中令掌宮殿門戶宿衛屬官武帝更名光祿勳 案胡廣曰勳之言闔也闔者古之門官光祿主宮門故曰勳然則古勳闔通矣

衛將軍 武衛將軍 漢書文帝紀拜宋昌爲衛將軍

領南北軍 三國魏志許褚傳遷武衛將軍都督中

軍宿衛禁兵

驃騎將軍 車騎將軍 冊府元龜魏以驃騎車騎武

衛爲三將軍分掌禁旅

領軍將軍 左衛將軍 右衛將軍 歷代職官表晉

以領護左右衛驍騎游擊爲六軍而領軍及左右衛

專司宿衛禁兵卽領侍衛內大臣之職其殿中將軍

殿中典兵中郎將殿中司馬督則卽今之侍衛也

案魏文帝受漢禪始以曹休爲領軍將軍主教中壘

武衛三營晉武帝初使中軍將軍羊祜統二衛前後

稱謂錄

卷二十

二

左右驍騎七軍營兵卽領軍之任也懷帝永嘉中改

中軍曰中領軍元帝永昌元年復改曰北軍中候尋

復爲領軍宋置領軍將軍一人掌內軍護軍將軍一

人掌外軍則領軍將軍爲今領侍衛大臣而護軍將

軍卽今之護軍統領矣又案晉初置中衛將軍武帝

受禪分中衛爲左右衛將軍以羊琇爲左趙序爲右

竝置佐史皆掌宿衛營兵則左右衛將軍乃爲今之

領侍衛大臣而僅稱左右衛猶之言侍衛處耳

左右翊衛大將軍 隋書百官志煬帝改左右衛爲左



右翊衛各置大將軍一人將軍二人總府事其軍士左右衛所領名驍騎翊衛又加有親侍并領親勳武三體非翊衛府皆無三侍案隋志所謂親侍卽今之親軍校歟

左右衛上將軍 新唐書百官志左右衛上將軍各一人 大將軍各一人將軍各三人掌宮禁宿衛

左右府大將軍 隋書百官志後齊制官領左右府有領左右將軍領千牛備身 案通典云隋有左右領

左右府大將軍一人將軍二人掌侍衛供御兵仗煬

稱謂錄

卷二十

三

帝改左右領左右府爲左右備身府置備身郎將管官唐貞觀中復爲左右領左右府其大將軍將軍皆如今之領侍衛大臣矣

左右千牛府大將軍 唐書百官志顯慶五年改左右府曰左右千牛府 案千牛府於龍朔閒改爲奉宸衛而後又改爲千牛衛神龍二年各置大將軍一人

總判衛事將軍各一人以副之中郎將各一人通判衛事則大將軍將軍皆如內大臣而中郎將如今之

協理事務侍衛班領矣

千牛衛上將軍 章如愚山堂考索左右衛千牛衛上  
將軍各一人大將軍各一人將軍各二人掌同左右  
衛

奉宸衛大將軍 武威衛大將軍 鷹揚威大將軍

豹韜衛大將軍 唐書百官志注龍朔二年改左右千

牛府曰左右奉宸衛光宅元年改左右驍衛曰左右

武威衛左右武衛曰鷹揚衛左右威衛曰豹韜衛

案皆有大將軍等官卽今內大臣之職

羽林軍大將軍 龍武軍大將軍 新唐書百官志左

稱謂錄 卷二十 四

右羽林軍大將軍各一人將軍各三人掌統北衛禁

兵督攝左右廂飛騎儀仗左右龍武軍大將軍各一

人統軍各一人將軍三人掌同羽林 案羽林宿衛

之官言其如羽之疾如林之多也歷代職官表云唐

十六衛左右衛左右驍衛左右武衛左右領軍衛左

右金吾衛左右監門衛左右千牛衛也皆所稱環列

之官以今制準之惟左右衛掌宮禁宿衛千牛衛掌

侍衛及供御兵仗最與今領侍衛相合又羽林龍武

諸軍統北衛禁軍當時號爲天子親兵亦卽今領侍



衛內大臣之比也

侍衛親軍指揮使 殿前都點檢 殿前都指揮 冊

府元龜五代有侍衛親軍指揮使及殿前都點檢殿

前都指揮之職

殿前司都指揮使 宋史職官志殿前諸班直及步騎

諸指揮之名籍凡統制訓練番衛戍守遷補賞罰皆

總其政令侍衛親軍馬軍所掌如殿前司官工侍衛

親軍步軍如殿前司 歷代職官表宋以殿前司與

侍衛馬步司宿謂之三衛當時稱殿前都指揮使爲

稱謂錄 卷二十 五

殿帥亦曰殿巖蓋本漢代巖郎爲名實卽今領侍衛

大臣之職也

御帳官 遼史百官志北面御帳官侍衛司掌御帳親

衛之事 歷代職官表遼帳諸官以貴戚爲侍衛武

臣爲宿衛親軍爲禁衛百官番宿爲宿直皆如今領

侍衛之職也

侍衛班領 侍衛什長

五官中郎將 左中郎將 右中郎將 漢百官公卿

表郎掌守門戶出充車騎有議郎中郎侍郎郎中皆

無員多至千人中郎有五官左右三將 案漢之議  
郎中郎侍郎郎中並掌守門戶出充車騎與今之侍  
衛無異矣而中郎以五官左右三將轄之正如今之  
侍衛班領與什長矣

車將 戶將 騎將 漢百官公卿表郎中有車戶騎  
三將如淳曰立車曰車郎主戶衛曰戶郎漢儀注郎  
中令主郎中左右車將主左右車郎左右戶將主左  
右戶郎也

期門僕射 虎賁中郎將 漢百官公卿表期門掌執  
稱謂錄 卷二十 六  
兵送從武帝建元三年初置比郎無員多至千人秩  
比千石平帝元始元年更名虎賁郎置中郎將秩比  
二千石 案期門比郎無員則亦今之侍衛也其所  
置僕射中郎將卽班領與什長矣

羽林令 羽林丞 羽林監 漢百官公卿表羽林有  
令丞宣帝令中郎將騎都尉監羽林秩比二千石  
案漢表言羽林掌送從次期門羽林亦侍衛也所置  
令丞監亦卽其班領什長也

侍衛



侍衛 史記弟子傳王肅註子路爲孔子侍衛故人不  
敢有惡言侍衛二字始此 諸葛亮出師表侍衛之  
臣

周衛 文選太史公報任少卿書出入周衛之中注周  
衛言宿衛周密也韋昭曰天子有宿衛之官

環列之尹 左文元年傳注環列之尹宮衛之官列兵

以衛王宮 唐類函輦轂之衛環列之尹 錢珣授

高彥宏金吾衛將軍制云常爲環尹

虎賁氏 旅賁氏 周禮夏官虎賁氏掌先後王而趨

稱謂錄 卷二十 七

以卒伍軍旅會同亦如之舍則守王閑王在國則守  
王宮旅賁氏掌執戈盾夾王車而趨西京賦陳虎旅  
於飛廉 案周之虎賁旅賁有下大夫中士下士之  
別正近今侍衛分頭二三等及統領者所由昉也

期門虎賁郎 漢書百官公卿表期門掌執兵送從武

帝建元三年初置比郎無員多至千人有僕射秩至

千石平帝元始元年更名虎賁郎

羽林郎 後漢百官志羽林郎掌宿衛侍從武帝以便

馬從獵還宿殿陛巖下室中故又號巖郎羽林左監

主左騎右監主右騎

羽林騎

羽林孤兒

漢書百官公卿表羽林掌送從

次期門武帝太初元年初置名曰建章營騎後更名

羽林騎又取從軍死事之子孫養羽林官教以五兵

號曰羽林孤兒

直閤將軍

直寢

直齋

直後

隋書百官志左右

衛掌宮掖禁禦督攝仗衛又各有直閤將軍六人直

寢十二人直齋直後各十五人並掌宿衛侍從

千牛備身

備身左右

備身

唐書高祖紀隋文帝

稱謂錄

卷二十

八

以高祖爲千牛備身主北魏置千牛備身掌執御刀

千牛刀名因爲官號

案隋朝左右領左右府各大

將軍一人將軍一人掌侍衛左右供御兵仗領千牛

備身十二人掌執千牛刀備身左右十二人掌供御

刀箭十六人掌宿衛侍從唐爲左右千牛衛領左右

千牛備身各十二人掌執御刀宿衛侍從皆以高蔭

子弟年少姿容美麗者補之服花鈿繡衣緣執象爲

貴胄起家之良選又備身左右十二人執御弓箭宿

衛侍省備身各一百人掌宿衛侍從則千牛備身如



今之侍衛班領備身左右如今之侍衛什長而單稱身者如今之一二三等侍衛矣又案隋書各將軍下均有左右備身又有刀劍備身騎官備身內直備身太子備身太子騎官備身太子內直備身

奉裕 通典注左右千牛備身龍朔中改為左右奉裕

咸亨初復舊垂拱二年又改為奉裕神龍元年復舊

百騎 千騎 萬騎 通典隋煬帝改左右領軍為左

右屯衛所領兵為羽林唐貞觀十二年於元武門置

左右屯營以諸衛將軍領之其兵名曰飛騎又於飛

稱謂錄 卷二十 九

騎中簡材力驍捷善射者號為百騎扈從游幸則衣

五色袍乘六閑馬賜猛獸衣韉龍朔二年改左右屯

營為羽林軍武后臨朝永昌元年改百騎為千騎天

授中改軍為衛中宗景龍元年改千騎為萬騎 案

此與今之侍衛適相近似曰百騎曰千騎曰萬騎猶

之有一等二等三等之分矣

四怯薛 元史兵志太祖功臣博爾忽今國語博爾

木今國語木華黎今國語赤老温今國語太

祖命其世領怯薛今國語之長番直宿衛 歷代

職官表元之四集賽以功臣之後世領宿衛與今侍衛官員定爲上三旗額缺者其制頗屬相近

衙內五衛 唐書儀衛志朝會五仗號衙內五衛一曰供奉仗左右衛爲之二曰親仗親衛爲之三曰勳仗勳衛爲之四曰翊仗翊衛爲之五曰散手仗以親勳翊衛爲之皆帶刀捉杖列坐於東西廊

區士 臆乘衛士稱爲區士

龍捷左右軍 虎捷左右軍 五代會要周廣順四年改侍衛馬軍曰龍捷左右軍步軍曰虎捷左右軍

稱謂錄

卷二十

十

八旗都統

長水校尉 胡騎校尉 漢百官公卿表長水校尉掌

長水宣曲胡騎又有胡騎校尉掌池陽胡騎師古曰

長水胡名宣曲觀名胡騎之屯於宣曲者池陽則胡騎之屯於池陽者也

南北部大人 四部大人 八部大人 魏書官氏志

昭成卽位諸方雜人來附者總謂之烏丸分爲南北

部置二部大人以統攝之天興元年又置八部大人

於皇城四方四維以擬八座謂之八國 資治通鑑



魏初置四部大人至王庭決辭解訟 案此正與今  
八旗都統之制相仿至八國之中又各立大師小師  
令辦其宗器品舉人才則亦如今之參領佐領也

天下兵馬大元帥 玉海唐天寶末置天下兵馬大元  
帥都統朔方盧龍節度都統之名自此始

### 步軍統領

司隸 周禮春官司隸掌五隸之法帥其徒以搏盜賊  
凡囚執人之事 通典漢置司隸掌諸巡察近今之

巡城 按此漢司隸校尉所自出卽今步軍統領之

稱謂錄

卷二十

十一

權輿也

中尉 春秋左氏傳將歸死於尉氏杜注討姦之官

唐六典中尉秦官掌徵巡京師 通典北軍中尉主

之掌京師門內之兵

執金吾 漢書百官表太初元年中尉更名執金吾應

劭曰吾禦也掌執金革禦非常顏師古曰金吾鳥名

主辟不祥天子出行職主先導以禦非常因以名官

崔豹古今注云金吾棒也以銅爲之黃金塗兩末

舊武 軍正 漢書王莽傳莽更名執金吾曰舊武中

尉曰軍正

司隸校尉 司察 漢書百官表司隸校尉武帝征和  
四年初置又蓋寬饒傳寬饒司隸校尉宣帝予書曰  
命君以司察之位

步兵校尉 漢百官公卿表步兵校尉掌上林苑屯  
兵 案此與今之步軍統領所掌雖殊而名義則相  
近矣其掌上林苑屯兵則爲今 圓明園護軍營總  
統大臣之職也

臥虎 傅咸傳司隸校尉舊號臥虎誠以舉綱萬目理  
稱謂錄 卷二十 三

提領而衆毛從者也

九門提督

金吾 通典漢金吾緹騎二百人提戟五百二十人陪  
改金吾爲左右武侯衛所領軍士名伏飛則於前鋒  
統領相近

城門領

城門校尉 漢百官表城門校尉掌京師城門屯兵  
前鋒統領

掌舍 周禮天官掌舍掌王之會同之舍設椹栌再重



設車宮轅門爲壇壝宮棘門爲帷宮設旌門凡舍事則掌之 歷代職官表掌宿於王行所止舍設櫪再重鄭注謂行馬再重以周衛有內外列正如今前鋒統領於御營安設卡倫之職也

都督前鋒軍事 晉書應詹傳以詹爲都督前鋒軍事 案前鋒之名實防於此

左右武侯大將軍 隋書百官志左右武侯掌車駕出先驅後殿晝夜巡察煬帝改左右武侯爲左右候衛 案左右武侯正今前鋒都領之職而所司烽候道

稱謂錄

卷二十

三

路水草所置則兼今鄉導大臣之職也隋志又言左右武侯各置大將軍一人將軍二人煬帝時又置護軍四人掌副貳將軍將軍無則一人攝尋改護軍爲武賁郎將正四品而置武牙郎將六人副焉大將軍軍將軍正如今之統領而武賁郎將及武牙郎將如今之參領矣

先鋒使 先鋒都統 遼史百官志先鋒使司先鋒都統所御營都統所

前鋒侍衛

伏飛 漢百官公卿表少府屬官有左弋令丞武帝太  
初元年更名左弋爲伏飛 案隋百官志言左右候  
衛所領軍士名伏飛則伏飛猶今之前鋒侍衛及前  
鋒校矣

護軍統領

宮伯 周禮天官宮伯掌王宮之士庶子凡在版者授  
八次八舍之職事 歷代職官表周之宮伯掌王宮  
士庶子實近今領侍衛內太臣而所授八次八舍分  
置八隅以衛王宮則兼有今護軍統領之職

稱謂錄

卷二十

十四

衛尉 初學記案齊職儀衛尉秦官也掌宮門衛屯兵  
西京賦衛尉八屯警夜巡晝

太尉 漢書始建國元年莽更名衛尉曰太尉

護軍都尉 護軍中尉 文獻通攷秦有護軍都尉漢  
因之高祖以陳平爲護軍中尉盡護諸將然則復以  
都尉爲中尉矣元狩四年以護軍中尉屬大司馬於  
時復爲都尉矣元壽元年更名司寇元始元年更名  
護軍 案此卽護軍之名所由始

左右武伯 司伯 胡三省通鑑注後周置左右武伯



掌內外衛之禁令 周書武帝紀建德三年衛王道  
反突入肅章門司武尉遲運拒守

左右監門衛大將軍 唐六典左右衛大將軍各一人  
將軍各二人掌諸門禁衛門籍之法 案隋初有左  
右監門府將軍各一人掌宮殿門禁及守衛事唐龍  
朔二年改府爲衛大將軍各一人將軍各二人以副  
之中郎將各四人分掌諸門以時巡檢蓋大將軍如  
今之統領將軍如今之參領而中郎將則如今之護  
軍校也

稱謂錄

卷二十

十五

皇城司幹當官 宋史職官志皇城司幹當官七人掌  
宮城出入之禁令凡周廬宿衛之事宮門啟閉之節  
皆隸焉

御營使 資治通鑑後唐天威二年朱守殷反遣御營  
使石敬瑭討之 歷代職官表後唐始置御營使掌  
行營守衛之事正近今之前鋒統領也

行營兵馬都統副都統 遼史兵衛志凡舉兵皇帝親  
點將校又選勳戚大臣充行營兵馬都統副都統都  
監各一人 案此雖爲行營而設然都統尉都統皆

其實與今八旗都統相近也

右皮室詳穩 遼史兵衛志遼太祖以行營爲宮選諸部豪健置爲腹心部皇后述律氏居守摘蕃漢精銳二十萬爲屬珊軍以珍美如珊瑚故名太宗益選天下精甲置諸瓜牙爲皮室軍然太祖以耶律古老爲右皮室詳穩則皮室自太祖時已有 案屬珊皮室謂之二帳皆御帳親軍然則皮室詳穩亦足當今之護軍統領矣

護軍校

稱謂錄

卷二十

六

左右阿速衛

哈喇婁

元史百官志左右阿速衛

今國

語改阿蘇衛

掌宿衛城禁又哈喇婁掌守禁門等處應直

宿衛

案今皆如護軍之職



